

حقوقي بيکيلر مجموعه سي

سَاحِبِ وَسْطِجَرْدِي : پارس حقوقي فاكولته نيتي دوقوروي

آروقات ميلاسلي غارفرانقور

هيئت تحريريه

موسيو آثيل مرستر : پارس حقوقي فاكولته سي
مدرس لرندن

موسيو شادغرمه : پارس حقوقي فاكولته سي
فخرى مدرسي

موسيو ا. سالام : حقوقي دول مجموعه سي
هيئت تحريريه ستندن

باهر بك : احضار قوانين قوميسيوني اعضاستندن
محمد طلعت بك : آروقات

موسيو آ. پليوني : پارس حقوقي فاكولته سي
دوقتوري

فرار خلو سي بك : حكمة نيتي اعضاستندن

صبري بك : عدليه وكالتي حقوقي ايشلري مدبري

مصطفى رشيد بك : استانبول حقوقي فاكولته سي
مدرس لرندن

احمد رفيع بك : استانبول اجرا رئيسي

احمد صميم بك : استانبول حقوقي فاكولته سي
مدرس لرندن

موسيو شارل فروزا : استانبول حقوقي فاكولته سي
مدرس لرندن

آدرهس : غلطه ده بختيار خان آروقات ميلاسلي غادرانقو بلك بازمخانه سي

تلفون : بك اوغلي ۳۰۰۹

بهر نسخك بدلي ۳۵ غروشدر

بر سنه لك آونماني پوسته اجرتيله برابر ۴۰۰ غروشدر

توركي خارجي ايچون ۵۰۰ غروشدر

كاغدجيلق ومطبعه جيلق آونيم شركتي — استانبول

حقوقی بیلگیلر مجموعه سی

هر آتک اون بئشنده نشر اولنور

DOCTRINE

تَتَبُّعَات

حقوق دوکتوری

مبدئیس: غادر افندو

حقوقی فکرلر — RÉFLEXIONS JURIDIQUES

دهرت قضا

وحدت قضا مزك لزوم و مبرمیتى اك قطعى شكلده افاده ایتدیكى ایچوندر كه رومانیا قانون اساسیسینده بوكا دأر محتوی احكامی تفسیر و ایضاح ایدن رومانیا محكمه تمیز اعضاسندن موسیو قورنهلویونونك مقاله سنی ترجمه و مجموعه مزك صوك نسخه سینه درج ایتدیردم . قارئلر مزك نظر دقتلرینی تکرار او مقاله نك محتویاتی حق سنده جلب ایدهرم . کورولویور كه رومانیا ده قضاى ادارى پره نسبی قبول ایدلش و بر مدت شورای دولت مؤسسہ سی ، افراد ایله دولت آراسینده کی اختلافاتی حل ایله موظف قلنمش ایکن - فرانسه یی منطق سز بر تقلید نتیجه سی اوله رق قبول ایدیلن - بو تأسیسك ایفاسینده معنا و حکمت کورولمه مشدره . ادارى اختلافات ایچون قضاى عدلیدن باشقه بر مرجع تعیین ایدلمه سی خصوص سنده کی ممنوعیتك حتی تشکیلات اساسیه قانونیله تأمین ایدلمی ، اوراده آنجق بر قاچ سینه سورن قضاى ادارى سیستمك آجیقلى تاثیر اتندن ایلری کلدیکنه حکم ایتك لازمدر .

قضایی ، عدلی محاکدن آلوب ، اداری خصوصیات ایچون ، اداری محاکمک صلاحیتی طایبق ، اول و آخر ادما ایتمدیکم وجهله ، فرانسه اختلال کیرینک دوغوردینی بر اصولدر ، فرانسه اختلالجیلری و انقلابجیلری بو اصولی ترویج ایتشلر ایسه فرانسه نك قبل الانقلاب تمادی ایدن خصوصیت احوالی مقتضاسی ایدی . عینی اسباب نه رومانیاده نه بزده جاری اولمادیغندن او طرزنی قبوله قطعياً مجبور دکلز . ایشته رومانیاه ، بر دفعه فرانسه اصولنی قبول ایتدکدن ، وحتى بو اصولی بعض مختلف شرائط داخلنده تطبیق ایلدکدن سوکرا قضای اداری پرهنسینک بر حقیقت حقوقیه افاده وهرملتک ذهنیت و غمنه سنه تقابل ایتدیکنی کورده نك کلیاً ترك ایتمش وحق قضایی استعمال ایتک صلاحیتله بر شورای دولتك تأسسنی منع ایتمکی برغایه امل تلقی ایده نك بونهی تشکیلات اساسیه قانونیه مؤمن طوتمشدر . وحدت قضایی بویه صریح وواضح بر صورتده محافظه ایدن احکامی هر حالده شایان امتثال اولدینی کبی افرادک ضرردیده اولسنه سببیت ویرن مأموری تضمیناته محکوم ایتمکه و بونده دولتك متسلل مسئولیتی طانیغه حکامک مأذون قیلمالری ملت فردلرینک حقوقی مقدس طانیغده کی ذهنیتک اک ظاهر واک پارلاق بر تظاهریدر .

مؤلفلرمزک و محررلرمزک بو پک مهم حقوق عامه مسئله سیله مشغول اولمالری زماننک حلول ایتدیکنه وملت مجلسنده بولان حقو قیلمزک بو پرهنسینی مجلس محیطنده مدافعه یه چالشمالرینک لازم کلدیکنه قناعتم واردر . شیمیدیلک شکرانه قید ایدمک لازمدرکه حکمه تمیزمز ، شورای دولتك حق قضاسنی طانییان قانون مخصوصنک احکامنی پک طار برشکلده تفسیر ایتک صورتیه قضای عدلی نك حقوقنی صیانه و وحدت قضا پرهنسینک محفوظیتیه صرف همت ایلهمکده در . حقو قیلر ، بوندن دولایی ، حکمه علیامزه قارشی نه قدر منت حسلری بسله سهر یری واردر .

مقرفی اربیات

یکی قانونلرمز ذاتاً پک فقیر اولان حقوقی کتابخانه مزک بوشلفنی بر قات دهها حس ایتدیرمشدر . بو بوشلفنی طولدورمق بر وظیفه در . مع الاسف ، بوکا ، یازیله حق آثار ایله ایریشمکی شیمیدیلک پک اوزاق بر غایه اولمق اوزره تلقی ایتلمی ز . بزلك ، حال حاضرده

يازايله جكلرمز، پك سطحى، پك محدود شيلردر. معظم، مغلد بر اثر تأليف ايجون بز، حقوقيلر دها اوزون برزمان اوقومغه، اوكرنمكه، چالشمغه مجبورز. بناء عليه شيمدليك اك بويوك همت، ترجمه جهته معطوف اولمليدر. مهم اثرلى، طائش و عالم حقوقده ير طومش كتابلىر عينا ترجمه ايتملىز. بر چوق ترجمه ياكليشلىرله برابر - برنجى جلدنده موجود بوياكليشلىر متعاقب جلدلرده غائب اولمغه دوغرو يورومشدر - روسل ترجمهسى بويوك برخدمت ياپمشدر.

عدليه وكيل محترمى بو حقيقى نيمسه مش و حكام و ارباب حقوقك انظار تبعه مهم حقوق كتابلىرى ترجمه ايتمكى بر پروغرام اوله رق اتخاذ ايتمشدر. جزا شرحلى نشر ايدلىكى كې، روسه لك بورجلر قانونه عائد شرحلرده ترجمه ايدلى. ينه بورجلره عائد پروفيسور موسيو مارتىك برنجى جلدلى اولجه جواد بك افندى يه - پك موفق اولش بر شكلده - ترجمه ايتديرلديكى كې ايكنجى جلدكده ترجمهسى اتمام ايدلمشدر.

شكرانه استخبار ايديسورم كه عدليه وكيل محترمى حقوق دولك - خصوصى و عمومى اقسامنه شامل اولق اوزره - بعض مهم اثرلىرى ترجمه ايتديره رك حكامه توزيع ايده جكدر. آلمان محررلرندن قارل ستروپك اثرى بويه جه ترجمه ايدلىكى كې كوبالى مشهور حقوق شناس بوستانامه نك كتابنى ترجمه ايتديرمشدر. شيمدى مشهور ميستر مور Moor ك سكر معظم جلدلك حقوق دولك ترجمه سنى تصور ايتكمده در. آمريكا متفق جمهوريتلىر خارجيه و كالتنى اشغال ايتمش و ديوان عدالت اعضاسندن بولونمش اولان مومى اليه لوتوس دعواسنده له مزه رأى ويرمش و حقوق عالمنده اك بنام علمادان معدود اولوب سكر جلدلك اثرى بر شاه اثر عد ايدلمكده در. بو اثر، هنوز آوروپانك ديكر لسانلرينه نقل ايدلميكندن شايد عدليه و كالتمز بوكا موفق اولور سه تورك ادبيات حقوقيه سى ديكر دولتر ككنه، بوجهندن كسب تفوق ايده جكدر. كوزل انكارنجه بيلن حقوقيلرمزك آزلغنه نظراً بو كې بر امر معظمك حقندن كللك پك مشكل ايسه ده محمود اسعد بك افندى نك مشكلاتدن قورقادينى مثبت اولديفندن بونده ده موفق اوله جفنى اميد وتمنى ايلرم.

قانونه مدنى

قانون مدنى نك ايكنجى سنه سى ختام بولوب اوچنجى حيات ياشنه كيرمى مناسبيله

آفروده حقوق مکتبده صمیمی بر حسب حال ماهیتده و بر او کلین ییکی ائناسنده طوبلانیلمش و بعضی نطقلر ایراد ایدلمشدر. بر حقوق مجموعهی صفتیه بوسیجه مع المسار اشتراك و ملتیه بوقانونی اهدا ایدن محمود اسعد بك افندی صمیمی صورتده تبریکه شتاب ایدیورم.

وکیل بلك نطقسده تنقیدك حقنی طانیدیغنه متدائر اولان سوزلر منت ایله قید ایدلمكه و خاطرلرده صاقلانمغه دكر سوزلردر. بومهم بیانات، صمیمی اولان تنقیدلرك خوش کوروله میه جکی ذهابك نه قدر یاكلش اولدیغنی اثبات ایتكدهدر.

وکیل بك قانون مدنیده قوللانیلان ساده اسلونی و تورکجه اصطلاحلرینی بکنمه یئرلك مطالعهلرینی رد و بونلره اهمیت ویرلمه سی لازم کلدیکنی بیان ایتشدركه بو سوزلرده کی اصابت عیاندرك. آنجقینه ساده لکی محافظه صورتیه ترجمه كدها منتظم واصلنه دها مطابق یایلوب یایله مایه جنی خصوصی جای سؤال ایسه ده بوکی نقطه لر قانون مدنیك قیمتی هیچ بر صورتله تنقیص ایده جك ماهیتده دکلدر. یالکز بك آرمقدارده اولان بعضی اساسلی ذهوللرك، مناسب بروقنده تصحیحنه امکان کورولورسه جوق ذی حیات اولان بواړك قیمتی برقات دها تزید ایدلمش اولور.

قاپیتولاسیونلر

آرتق اسکی دورك انقاضیه برابر کومولش و مزار طاشی اوله رق لوزان معاهده نا. مه سنك آئنده صاقلانمش اولان قاپیتولاسیونلر، کله جك نسللر ایچون، یالکز تاریخده اوقونه جق و ملی عزت نفسی تخریش ایده جك بر خاطره قیلمدن قاله جقدور. فقط یقین ماضیه عائد اولان بو خاطره نی آراده بر عقله کتیرمك، طوتیلان عزم و ترقی یولنده ثبات ایتمه ك لزومنی اخطار ایده جك ماهیتده بر درس تشکیل ایدر.

عدلیه وکیل محترمی محمود اسعد بلك اخیراً انتشار ایدوب لطفاً بر نسخه سی اتحاف بو بور دقلری «عثمانلی قاپیتولاسیونلری Du Régime des capitulations ottomanes» نامنده کی فرانسیزجه اثر بو وظیفه نی ایفا ایتدیکندن اوقومغه و اوزرنده دوشونمكه دكر بر اثر در. بو اثر اساساً محمود اسعد بلك ۱۹۱۸ سنه سنده فریبورغ دارالفنوننده دو قنورا امتحانی اکمال ایتك اوزره قلمه آلدینی بر ته زارلوب ملی مجادله ك و متعاقب

احوالك جيلوليتله شمدي به قدر طبعي ميسر اولاماش بر ائردر. شايان تأمل بر تصادف در كه محررك عصمت پاشايه اتحافاً يازد قلري مقدمه دهديدكاري وجهله، حق مفهومك حقسنزلفه قارشي بر عصيانك افاده سي اولان بوته زك قبول ايدلديكي تاريخخده، يعني ۱۹۱۸ سنه سنده، بوكنچ محرر و طئتك بوس بوتون محو اولمق تهلكه سي او كنده بولئوردى. ينه محررك ديديكى كي تاريخك بر غلط رؤيتى نتيجه سي une sorte d'aberration de l'histoire اولان بوتهلكه، توركلتك عزميله و اون عصره بدل اون سنه لك بر مدت صوكر ا بوس بوتون مرتفع اولدقن صوكر ا بوته ز، بك ذى حيات بر هو اى نسيمي آراسنده، طبع و نشر ايدلشدرد.

بواترك، برچوق تبةاتك محصولى اولديغى، كتابده مراجعت ايدلديكي كوستربلن ائارك و نو طلك چوقلغيله نأبدر. مباحث، مكمل و منطقي بر صورتده تقسيم ايداش و مسئله هر نقطه نظر دن تدقيق ايدلشدرد. محمود اسعد بك قايتولا سيونلرك، بر حق اوله رق توركلره قارشي ادعا ايديله ميه جكنى يالكز كنچ و حرارتلى روحنك الهام ايتديكي جديت و صميميتله مدافعه اتمه مش، حلى بر طرفه براقه رق، مسئله يى علمك بارد و بى طرف ذهني و قوتيله اثبات ايتشدرد. بونده تماميله موفق اولديغى اعتراف ايدر ايكن اثرى باشدن آشاغى به لذتله او قودينغى و فرانسزجه ده كي سلاستك آيريجه نظر دقتمى جلب ايتديكى بيان ايتلىم. بو كتاب، شمدي به قدر قايتولا سيونلرمز حقنده يازلمش بوتون ائارى تلخيص اتمش و نتيجه لر يى استخراج ايتشدرد. اوى او قومق بومهم حقوق مسئله حقنده اك مكمل بر فكر ايدنمكه كافيدر. بواترك انتشارى، محمود اسعد بك افنديك، يازيسيله دخى، حقوقى ادبياتمزه خدمت ايده جكنك خيرلى بر باشلانغجى اوله رق تلقى ايتديكمزى اعلان ايدره ك متعاقب اثرلر يه انتظار ايدر و بودفعه كي موفقيتدن دولايى صميمى صورتده تبريكه رز.

ميسلا سلى غادفرانقو